

LETTER KEN KA RUO AN PAUL ÑON DRI KORINT.

JAPTER 1.

PAUL, dri jilikan Kraist Jisōs kin ankil an Anij, im Timote jāter, ñōn eklisia eo an Anij, eo ej ber i Korint, kab ro remōn otemjej, ro rej i aolepen Akela:

1 Kor. 1. 1. Ep. 1. 1. Kol. 1. 1, 2. 1 Tim. 1. 1. Pil. 1. 1.

2 Joij ñōn kom kab ainemōn jen Anij Jemer im IroiJ Jisōs Kraist.

Rom 1. 7. Gal. 1. 3. Pil. 1. 2. 1 Tes. 1. 1. 2 Tes. 1. 2. Pail. 3.

3 Jen nebar Anij eo Jemen ar IroiJ Jisōs Kraist, Jemen tiriamokake, im Anij in ainemōn otemjej;

Ep. 1. 3. 1 Pit. 1. 3.

4 Eo ej kainemōne kim ilo am jorran otemjej, bwe kimin maroñ in kainemōne ro rej ber ilo jabrewōt jorran, kin ainemōn eo kimij mōke ainemōn kake jen Anij.

5 Bwe einwōt iñtan ko an Kraist rej lōñlok ñōn kim, ein drein am ainemōn ej bar lōñlok kin Kraist.

Jerb. 9. 4. jap. 4. 10.

6 Bwe elañe kim jorran, ej ñōn ami ainemōn im mour; ak elañe kim ainemōn, men in ñōn ami ainemōn, eo ej jerbal ilo kijenmij iomin iñtan kein kimij bareinwōt iñtan kaki: im am kejatrikrik kin kom e bin wōt;

jap. 4. 15.

7 Ke kim jela bwe einwōt komij bōk mōtōn iñtan ko, ein drein bareinwōt ainemōn.

Rom 8. 17. 2 Tim. 2. 12.

8 Bwe kim jab kōnan, ro jātiō, bwe komin jaje kin am jorran eo ej itok ñōn kim i Ešia, bwe e ar kanuij lap am iñtan, elap jen am maroñwe, einwōt bwe ejoko kōtōmene otemjej kin mour:

Jerb. 19. 23. 1 Kor. 15. 32. & 16. 9.

9 Aet, kim ar mōke lemnok kim drien mij, bwe kimin jab mōke liki kim, a Anij eo Ej kejerkakbiji ro remij:

Jer. 17. 5, 7.

10 Eo e ar lomoren kim jen keien mij elap, im E naj lomor: kin E kim kejatrikrik kim bwe E naj bareinwōt lomoren kim;

2 Pit. 2. 9.

11 Ke komij bareinwōt jimor jibōñ kim kin ami jar, bwe, kin men in yokwe emwij letok ñōn kim kin elōñ armij, elōñ re naj kamolol kin kim.

Rom 15. 30. Pil. 1. 19. Pail. 22. jap. 4. 15.

12 Bwe am lōñliñ men in, kennan in am bōklikōt, bwe ilo kwojarjar im mol an Anij, jab ilo meletlet in kōniek, a ilo joij an Anij, kim ar etetal i lōl, im elōñlok ibemi.

1 Kor. 2. 4, 13.

13 Bwe kim jab jejewoj men ko jet, a men ko komij konono ilo buk ak kwalok, im ij kōtōmene kom naj kwaloki ñōn jemlokōn:

14 Einwōt kom ar bar kwalok kim ilo jimōtōn, bwe kim ami men in kimjāje, einwōt kom bareinwōt am, ilo ran in ar IroiJ Jisōs.

jap. 5. 12. Pil. 2. 16. & 4. 1. 1 Tes. 2. 19, 20.

15 Im ilo liki in I ar bebe in iwij mokta ñōn kom, bwe komin bōk bar juōn men in joij,

1 Kor. 4. 19.

16 Im bwe in ilok jen kom lok ñōn Masedonia, im bar itok jen Masedonia ñōn kom, im bwe komin jibōñlok iō ilo ial eo aō ñōn Judia.

1 Kor. 16. 5, 6.

17 Ke ein drein aō bebe, I ar kejōk ke? ak men ko ij bebe, ij bebe

ekar ñõn kõniek ke, bwe iba en eor aet, aet, im jab, jab?

Jap. 10. 2.

18 A einwõt Anij etiljek, am nan woj e jab aet im jab.

19 Bwe Nejin Anij, Jisõs Kraist, eo kim ar kwalok ñõn kom, aet, ña im Silvenõs im Timote, e ar jab aet im jab, a ilo E aet.

Mark 1. 1. Hīb. 13. 8.

20 Bwe ñe jabrewõt oran kalimur an Anij, ilo E aet eo: kin men in bareinwõt kin E Amen eo, ñõn albujuj an Anij kin kim.

Rom 15. 8, 9.

21 Kiõ Eo ej kabin kim kab kom ilo Kraist, im E ar kabit kij, E Anij;

1 Jon 2. 20, 27.

22 Eo E ar sil kij im letok Jitõb eo men in mõkõjkõj ilo buruer.

Jap. 5. 5. Ep. 1. 14.

23 A ij kir ñõn Anij bwe En kenan kin aõ, bwe kin aõ tiriama-kake kom I jab kar iwij ñõn Korint.

Rom 1. 9. 1 Kor. 4. 21.

24 Jab bwe kim iroi j ion ami tõmak, a kim dri jibõñ ilo ami lõñliñ: bwe kin tõmak komij jutõk. 1 Pit. 3. 5. Rom 11. 20. 1 Kor. 15. 1. Jap. 11. 31. & 13. 2.

JAPTER 2.

A I ar bebe eñin iba, bwe in jab bar iwij ñõn kom ilo buromõj.

Jap. 1. 23. & 13. 10.

2 Bwe elañe ij kaburomõj kom, inem wõn eo ej kalõñliñ iõ, a eo wõt ij kaburomõj e?

3 Im I ar jeje eñin, bwe ñe ij iwij, in jab bõk buromõj jen ro emõn in mõnõnõ kake ir; ke ij liki kom otemjej bwe aõ mõnõnõ eo ami otemjej.

Jap. 8. 22. & 12. 21. Gal. 5. 10.

4 Bwe jen elõñ jorran im iñtan buruõ I ar jejewoj ñõn kom kin elõñ dren in kemjalal; jab bwe komin buromõj, a bwe komin jela yokwe eo iba e kanuij lap ñõn kom.

Jap. 7. 8, 9, 12.

5 A elañe jabrewõt e ar kaburo-

232

mõj, e ar jab kaburomõj iõ, a ilo jimõtõn (bwe in jab kinaklok elap) kom otemjej.

1 Kor. 5. 1. Gal. 4. 12.

6 E bwe ñõn armij in liakelok eo elõñ r'ar kõmõne;

1 Kor. 5. 4, 5.

7 Inem ein juõn emõn bwe komin jolok an nana im kainemõn e, ñe ab juõn einwõt en jo ilo an buromõj elaplok.

Gal. 6. 1.

8 Kin men in ij akwelap ñõn kom bwe komin kabin ami yokwe e.

9 Bwe ñõn men in I ar bareinwõt jejewoj, bwe in jela kajemi, elañe komij kible ilo men otemjej.

Jap. 7. 15. & 10. 6.

10 A jabrewõt eo komij jolok an nana, bar einwõt ña: bwe elañe I ar jolok jabrewõt nana, I ar jolok nana eo kin kom, einwõt iman mejen Kraist;

11 Bwe Setan en jab joñwe kij: bwe je jab jaje kake marmir ko an.

12 A ke I ar itok ñõn Troas bwe in kwalok gospel an Kraist, im juõn aur ebellok ñõn iõ ilo Iroi j,

Jerb. 16. 8. 1 Kor. 16. 9.

13 I ar jab ainemõn ilo aõ, bwe I ar jab lo Taitõs jatiõ: a I ar yokyokwe ir, im ilok jen ibeir ñõn Masedonia.

Jap. 7. 5, 6.

14 A kamolol Anij, eo Ej tel kim ilo anjo ien otemjej ilo Kraist, im Ej kalikar kin kim ñõj in An jela ijo ko otemjej.

Alel 1. 3.

15 Bwe kim men in ñõj emõn an Kraist ñõn Anij, iben ro rej mour, im iben ro rej joko;

1 Kor. 1. 18. Jap. 4. 3.

16 Ñõn rein kim men in ñõj jen mij ñõn mij; a ñõn rõn men in ñõj jen mour ñõn mour. Im wõn ej marofiwe men kein?

Luk 2. 34. Jon 9. 39. 1 Pit. 2. 7, 8. Jap. 3. 5, 6.

17 Bwe kim jab einwõt elõñ, ro rej käreik nan in Anij; a einwõt jen mol, a einwõt jen Anij, iman

mejen Anij, kimij konono ilo Kraist.

jap. 1. 12. & 4. 2. & 11. 13. 2 Pit. 2. 3.

JAPTER 3.

KIMIJ jino bar kwalok karkarim ñon kom ke? ak emon kom en or letter in karkarim ñon kom, ak jen kom, einwot jet armij?

jap. 5. 12. & 10. 12. & 12. 11. Jerb. 13. 27.

2 Kom letter eo am, jeje ilo buruem, im emwij an armij otemjej jela im konono ilo letter in;

1 Kor. 9. 2.

3 Ke e alikar bwe kom letter an Kraist, eo kim ar jerbale, jab jeje kin ink, a kin Jitob on Anij emour; jab ilo tebel dreka, a ilo buruemi tebel koniek ko.

1 Kor. 3. 5. Eks. 24. 12. & 34. 1. Jer. 31. 33. Ezek. 11. 19.

4 A liki ein drein ibem kin Kraist ñon Anij:

5 Jab bwe kim moke maron in lemnok jabrewot einwot jen kim moke; a am marofiwe e jen Anij;

1 Kor. 15. 10. jap. 2. 16.

6 Eo e ar bar kamaron kim dri jermal in kalimur ekal; jab ilo letter, a ilo jitob: bwe letter ej ka-jeeklok, a jitob ej kemour.

1 Kor. 3. 5. jap. 5. 18. Ep. 3. 7. Kol. 1. 25. 1 Tim. 1. 12. Jer. 31. 31. Hib. 8. 6, 8. 1 Rom 2. 27. & 3. 20. & 4. 15. & 7. 9-11. Gal. 3. 10. Jon 6. 63.

7 A elafie jermal in mij, eo ilo letter, im bukwe ilo dreka ko, e ar walok ilo aibuuij, einwot bwe ro nejin Israel r'ar jab maron in kalimjek mejen Moses kin an aibuuij turin mejen; eo e jarkaju:

Eks. 34. 1. & 34. 29-35. Dut. 10. 1.

8 Ekijkan, jermal in Jitob en jab laplok ilo aibuuij ke?

Gal. 3. 5.

9 Bwe elafie eor aibuuij iben jermal in liakelok, elaplok an jermal in kwojarjar e obrök kin aibuuij.

Rom 1. 17. & 3. 21.

10 Bwe emol efieo, ar kaibuuij e, ar jab kaibuuij e ilo men in, kin aibuuij eo elaplok.

11 Bwe elafie men eo e jarkaju e ar aibuuij, elaplok men eo ej berwot ej ilo aibuuij.

[Marshall Islands.] 8T*

12 Ke ein drein am kotomene kimij beran in konono,

jap. 7. 4. Ep. 6. 19.

13 Im jab einwot an Moses likit veil iman mejen, bwe ro nejin Israel ren jab kalimjek ñon jemlokon men eo e jarkaju:

Eks. 34. 33, 35. Rom 10. 4. Gal. 3. 23.

14 A burueir r'ar bin: bwe ñon ran in ej berwot veil eo ilo konono ilo kalimur eo mokta, eo e lotlok ilo Kraist.

Mat. 13. 14. Rom 11. 25. jap. 4. 4.

15 A ñon ran in, jabrewot ien rej konono jeje an Moses, veil ej berion burueir.

16 Ijoke fie ej oktök ñon Iroj, veil eo ej joko.

Rom 11. 23, 26. Isa. 25. 7.

17 Kiö Iroj e Jitob eo; im ijo Jitob on Iroj ej ber, ijo anemkwoj.

18 A kij otemjej, ejelok veil iman mejer, jej kalimjek, einwot ilo kapjur, aibuuij an Iroj, im jej kejakil-kil ñon wawen eo jen aibuuij ñon aibuuij, einwot kin Iroj, Jitob.

1 Kor. 13. 12. jap. 4. 4, 6. Rom 8. 29.

JAPTER 4.

INEM ke jermal in ibem, einwot kim ar bok tiriamo, kim jab ebwer:

jap. 3. 6. 1 Kor. 7. 25.

2 A kim ar illok jen men ko retino men in kajok, im jab etetal ilo mon, im jab kariop nan in Anij; a kin kalikar mol, kim kwalok karkarim ñon boklikot an armij otemjej iman mejen Anij.

Rom 6. 21. jap. 2. 17. & 6. 7. & 7. 14. jap. 5. 11.

3 A elafie e binjök am gospel, e binjök ñon ro re joko:

1 Kor. 2. 18. jap. 2. 15.

4 Ilo ir anij in lol in e ar kabilo lemnok an rore jab tomak, bwe maram in gospel in aibuuij an Kraist, eo wawen Anij, en jab rome ir.

Jon 12. 31. Ep. 6. 12. Isa. 6. 10. jap. 3. 8, 9. 11, 18. Jon 14. 9. Pil. 2. 6. Kol. 1. 15. Hib. 1. 3.

5 Bwe kim jab moke kwalok kim, a Kraist Jisös e Iroj, im kim ro korijerami kin Jisös.

1 Kor. 1. 23. & 9. 19. jap. 1. 24.

6 Bwe Anij, eo E ar ba, Jen marok en romak maram, E ar romak ilo buruem, bwe Eu letok maram in jela aibujulj an Anij ilo mejen Jisös Kraist.

Jen. 1. 8. 2 Pit. 1. 19.

7 A men in aurök in ibem ej ilo jäbi brij ko, bwe maroñ eo e kanuij lap en jen Anij, im jab jen kim;

jap. 5. 1. 1 Kor. 2. 5. jap. 12. 9.

8 Ilo ial ko otemjej kimij obrök, a jab joböj; kimij biuk, a e jañin joko kejatirikrik;

jap. 7. 5.

9 Rej matörtöre kim, a kim jab möke lam; rej jolölok kim, a kim jab joko;

Sam 37. 24.

10 Ien otemjej ej ber ilo enbwinem mij an Jisös, bwe bareinwöt mour an Jisös en walok ilo enbwinem.

1 Kor. 15. 31. jap. 1. 5. 9. Rom 8. 17. 2 Tim. 2. 11. 1 Pit. 4. 13.

11 Bwe ien otemjej kimeo kimij mour rej ketök kim ñön mij kin Jisös, bwe bareinwöt mour an Jisös en walok ilo köntekim drien mij.

Sam 44. 22. Rom 8. 36.

12 Ein drein mij ej jerbale ilo kim, a mour ilo kom.

jap. 13. 9.

13 A ke ej ibem jitöb eo in tömak einwöt men eo emwij jeje, I ar tömak, inem I ar konono; kim bareinwöt tömak, inem bareinwöt kimij konono;

Rom 1. 12. 2 Pit. 1. 1. Sam 116. 10.

14 Ke kim jela bwe Eo e ar kejer-kakbiji Iroj Jisös, E naj bareinwöt kejerkakbiji kim iben Jisös, im kwalok kim ibemi.

Rom 8. 11. 1 Kor. 6. 14.

15 Bwe men otemjej ñön kom, bwe joiij eo, emwij kalaplok e kin ro relöñ, eu koorlok kamolol ko ñön aibujulj an Anij

1 Kor. 3. 21. jap. 1. 6.

16 Kin men in kim jab ebwer; a meñe enbwinem e lotlok, ijoke kökal am ran otemjej.

Rom 7. 22.

17 Bwe am iñtan eo emera im iumelok, elap otem lap an jerbale ñön

234

kim aibujulj e jemlöm erro im in drio;

Rom 8. 18. 1 Pit. 5. 10.

18 Ke kim jab kalimjek men ko jej loi, a men ko je jab loi: bwe men ko jej loi re jarkaju, a men ko je jab loi rej in drio.

Rom 8. 24. jap. 5. 7.

JAPTER 5.

BWE kim jela elañe emwij jela am imön kabere i löi, eor imwem jen Anij, mweo pä ko r'ar jab kömöne, im in drio ilo löñ.

Job 4. 19. jap. 4. 7. 2 Pit. 1. 13. 14.

2 Bwe emol ilo men in kimij ñör, im kanuij könan könökö mweo imwem jen löñ;

Rom 8. 23.

3 Elañe kin eor am nuknuk ko re jamin lo kim im kelwan.

Rev. 3. 18. & 16. 15.

4 Aet, bwe ke kimij ber ilo imön kabere in, kimij ñör, im bolikim; ijoke kim jab könan wutik men in, a kanuknuk kim na ion, bwe men in mij eo en jo ilo mour.

1 Kor. 15. 53, 54.

5 A Eo e ar jerbale kim ñön men in e Anij, eo E ar létok ñön kim Jitöb eo men in mököjköj.

Isa. 29. 23. Rom 8. 23. jap. 1. 22. Ep. 1. 14.

6 Inem kim beran ien otemjej im jela bwe ke kim jokwe ilo enbwinem, kim joko jen Iroj;

7 (Bwe jej etetal kin tömak, jab kin loe);

1 Kor. 13. 12. Hib. 11. 1.

8 Kim beran, ij ba, im könanlok bwe kimin joko jen enbwinem, im jokwe iben Iroj.

Pil. 1. 23.

9 Kin men in bareinwöt kim kajeoñ bwe elañe kim jokwe ilo enbwinem ak joko jen e, kim kabuñburuen.

10 Bwe kij otemjej je naj walok iman ken jijöt in ekajet an Kraist; bwe jabrewöt iar en bök men ko kömönmöni ilo enbwinin, ekar ñön kömöñ eo an elañe emön ak enana.

Rom 2. 6. & 14. 10. Gal. 6. 7.

11 Inem kin am jela mijök Iroj, kimij karel armij, a kim alikar non

Anij; im ij kōtōmene bwe bareinwōt kim alikar ilo ami bōklikōt.

Job 31. 23. Hib. 10. 31. Jud 23. jap. 4. 2.

12 Kim jab bar kwalok karkarim ñōn kom, a kimij lewoj ñōn kom ken kimjāje kin kim, bwe en or ami nan in uak ro rej kimjāje ilo mejeir, im jab ilo burueir.

jap. 1. 14. & 3. 1.

13 Bwe elañe kim urlekak, e ñōn Anij; ak elañe kim jelalokjen, e ñōn kom.

jap. 11. 1, 16, 17. & 12. 6, 11.

14 Bwe yokwe an Kraist e relel ilo buruem; bwe ein drein am lem-nok, Juōn e ar mij kin otemjej, inem ro otemjej r'ar mij;

Rom 5. 15.

15 Im E ar mij kin otemjej bwe ro rej mour ren jab bar mour ñōn ir mōke, a ñōn Eo e ar mij im jerkak-biji kin ir.

Rom 6. 11, 12. & 14. 7.

16 Kin men in jen kiō kim jab jela jabrewōt armij ekar ñōn kō-niek; meñe kim ar jela Kraist ekar ñōn kōniek, a jen kiō e jamin ein drein am jela kajen.

Pil. 3. 7, 8. Jon 6. 63.

17 Inem elañe jabrewōt armij ej ber ilo Kraist e men in kōmōnmōn ekal: men ko mokta re lotlok; lo rej erom kal.

Rom 16. 7. Gal. 5. 6. & 6. 15. Ep. 2. 15. Rev. 21. 5.

18 A men otemjej rej jen Anij, eo E ar kilajrōk kij ñōn E kin Kraist, im E ar letok ñōn kim jerbal in kilajrōk;

Rom 5. 10. Kol. 1. 20.

19 Eñin bwe Anij e ar ber ilo Kraist im Ej kilajrōk lōl ñōn E mōke, im jab watōk air jerawiwi ñōn ir, im E ar likit na ibem nan in kilajrōk.

Rom 3. 24, 25.

20 Inem kim dri keañ kin Kraist, einwōt elañe Anij ej akwelap ilo kim: kim akwelap ñōn kom kin Kraist, komin rel ñōn Anij.

Mal. 2. 7. Ep. 6. 20. jap. 6. 1.

21 Eo e ar jab jela jerawiwi, E ar

kōmōn E jerawiwi kin kij, bwe jen erom wānik in Anij ilo E.

Isa. 53. 6, 9. Gal. 3. 13. 1 Jon 3. 5. Rom 1. 17. & 5. 19. & 10. 3.

JAPTER 6.

KIM jerbal iben im bareinwōt akwelap ñōn kom bwe en jab jitokjen ami bōk joij an Anij,

1 Kor. 3. 9. jap. 5. 20. Hib. 12. 15.

2 (Bwe Ej ba, Ilo ien ekar I ar eoroñ yuk, im ilo ran in lomor I ar jibōñ yuk; lo, kiō ien emōn; lo, kiō ran in lomor):

• Isa. 49. 8.

3 Ke kim jab kōmōn men in buñ ilo jabrewōt, bwe en ejelok notan jerbal eo am;

Rom 14. 13. 1 Kor. 9. 12. & 10. 32.

4 A ilo men otemjej kim kwalok karkarim einwōt dri jerbal an Anij, ilo kijenmij elap, ilo iñtan ko, ilo aikwij ko, ilo jorran ko,

1 Kor. 4. 1.

5 Ilo dribitbit ko, ilo prisōn ko, ilo jeurur ko, ilo jerbal ko, ilo mmij ko, ilo jitlok ko;

jap. 11. 23.

6 Ilo erreo, ilo jela, ilo meamwōr, ilo joij, ilo Jitōb kwojarjar, ilo yokwe e jab riōp,

7 Ilo nan in mol, ilo kajur an Anij; kin ken tōrinae in wānik i rabijmaroñ im anmiñ,

jap. 4. 2. & 10. 4. 1 Kor. 2. 4. Ep. 6. 11, 13.

8 Kin aibujuij im bujinarmij, kin buñbuñ enana im buñbuñ emōn; einwōt dri mon, im kimij mol;

9 Einwōt druamajet im kim driwain ene; einwōt drien mij, im lo, kim mour; einwōt je, im jab jeeklok;

1 Kor. 4. 9. jap. 4. 10. & 11. 6. Sam 118. 18.

10 Einwōt buromōj, a kim lōñliñ ien otemjej; einwōt jeramel, a kim namweien elōñ; einwōt ejelok ibem, im men ko otemjej ibem.

11 Loñim e walōñi ñōn kom, ro dri Korint, huruem elaplok.

jap. 7. 3.

12 Kom jab obrōk ilo kim, a kom obrōk ilo buruemi.

jap. 12. 15.

13 Kið bwe in nawðuami ilo wāwen wõt (ij konono einwõt ñõn ro nejið) en bareinwõt laplok buruemi.

1 Kor. 4. 14.

14 Ren jab kadrebijik kom ilo jakkar iben ro re jab tõmak: bwe yowe òt iben wānik im jabwānik? ak kōmao òt an maram iben marok?

Dut. 7. 3. 1 Samuel 5. 2, 3. 1 Kin 18. 21.

1 Kor. 10. 21. Ep. 5. 7, 11.

15 Ak eorke an Kraist bōk ñõn buruen Bilial? ak mõtõn òt an dri tõmak iben dri jab tõmak?

16 Ak ta eo einwõt juõn iben tempel an Anij im ekjöp ko? bwe kij tempel an Anij emour; einwõt Anij e ar ba, I naj jokwe ilo ir, im etetal ilo ir, im I naj air Anij, im re naj ro droð.

1 Kor. 3. 16. Ep. 2. 21, 22. Eks. 29. 45. Levai 26. 12. Jer. 31. 33.

17 Kin men in komin drioiptok jen iolapir, im kamðkelok iami, Iroi ej ba, im jab uñir jabrewõt men eo e jab erre; im I naj bōk kom,

Isa. 52. 11. jap. 7. 1. Rev. 18. 4.

18 Im I naj Jememi, im kom naj ro nejið man im kōra, Iroi Eutiej-tata ej ba.

Jer. 31. 1, 9. Rev. 21. 7.

JAPTER 7.

INEM ro jitenburu, ke kalimur kein iber, jen mõke karreoik kij jen etton otemjej in kōniek kab ar, im kowāppen kwojarjar ilo mijōk Anij.

jap. 6. 17, 18. 1 Jon 3. 3.

2 Komin kebellōk buruemi ñõn kim; ejelok en kim ar kabwir e, ejelok en kim ar kananaik e, ejelok en kim ar mon e.

Jerb. 20. 33. jap. 12. 17.

3 I jab ba bwe in liakelok kom: bwe I ar ba mokta, bwe komij ber ilo buruem in jimor mij ak jimor mour.

jap. 6. 11, 12.

4 Elap aõ beran in konono ñõn kom, elap aõ kimjāje kin kom: I obrōk kin ainemõu, e kanuij orlok lõñliñ iba ilo am iñtan otemjej.

1 Kor. 1. 4. jap. 1. 4, 14. & 3. 12. Pil. 2. 17.

5 Bwe ke kim ar itok ñõn Masedonia, kōniekim e ar jab lo kakije, a kim ar iñtan ijo ko otemjej; elikim tõrinae ko, iloam mijōk ko.

jap. 2. 13. & 4. 8. Dut. 32. 25.

6 Ijoke Anij, eo Ej kainemõne ro rej etā, E ar kainemõne kim kin an itok Taitōs;

jap. 1. 4.

7 Im jab kin an itok wõt, a kin ainemõn eo ar kainemõne kake ilo kom, ke e ar kennanek kim kin ami oñkake, kin ami jōñ, kin ami kijejeto kin ið; ein elaplok aõ lõñliñ.

8 Bwe meñe I ar kaburomøj kom kin letter eo aõ, I jab ukwelok kið, meñe I ar ukwelok; bwe ij kili bwe letter eo e ar kaburomøj kom, a ilo ien eo ekaru wõt.

jap. 2. 4.

9 Kið ij mõnõnð, jab bwe ar kaburomøj kom, a bwe ar kaburomøj kom ñõn ukwelok: bwe ar kaburomøj kom ilo men eo ekar ñõn Anij, bwe komin jab bōk jabrewõt jorran jen kim.

10 Bwe buromøj ekar ñõn Anij ej jerbale ukwelok ñõn mour, eo ejelok bar ukwelok jen e; a buromøj in lõl ej jerbale mij.

2 Samuel 12. 13. Mat. 26. 75. Pro. 17. 22.

11 Bwe lo, men in, ke ar kaburomøj kom ekar ñõn Anij, ie ein niknik e ar jerbale ilo kom, ak kowānik kom, ak illu, ak mijōk, ak oñkake, ak kijejeto, ak irenwõne! Ilo men otemjej kom ar kamol bwe ejelok notami ilo men in.

12 Inem meñe I ar jeje ñõn kom, eñin e jab kin eo e ar kōmõn nana, im jab kin eo e ar jorran, a kin kalikar ñõn kom ami kanuij lale kim iman mejen Anij.

jap. 2. 4.

13 Kin men in emwij kainemõne kim: im ilo am ainemõn ar koorlok am lõñliñ kin lõñliñ an Taitōs, bwe e ar aimlolo kin kom otemjej.

Rom 15. 32.

14 Bwe elañe I ar kimjāje jabrewõt ñõn e kin kom, I ar jab jokake; a einwõt kim ar konono

men otemjej ñön kom ilo mol, ein drein kimjåje eo am ñön Taitös, bareinwöt ar loe emol.

15 Im buruen elaplok ñön kom, ke ej kememey am otemjej kible, ekijkan kin mijök im wurirrir kom ar bök e.

jap. 2. 9. & 6. 12. Pil. 2. 12.

16 Ij löñliñ bwe ilo men otemjej ij beran kake kom.

2 Tes. 3. 4.

JAPTER 8.

BAR juön kim kajelaik kom, ro jätim, kin joiy an Anij eo emwij lelok ñön eklisia ko i Masedonia;

2 Ekijkan ilo elap melejoñ ir kin iñtan, air löñliñ elap im kanuij jeramel e ar koorlok air mweiluk in dreeplok.

Mark 12. 44. jap. 9. 11.

3 Bwe einwöt air maroñ, ij kennan kin ir, im elaplok jen air maroñ, r'ar kõnan im lelok,

4 Im kin elöñ akwelap r'ar kajitök ibem kin men in joiy in, im kõmao ilo jermal ñön ro remön.

Jerb. 24. 17. Rom 15. 25, 26. 1 Kor. 16. 1, 3, 4. jap. 9. 1.

5 Im eñin jab einwöt kim ar kötömene, a r'ar möke lelok ir mokta ñön Iroi, im ñön kim kin ankil an Anij.

6 Einwöt bwe kim ar kowe Taitös, bwe en kejemlok men in joiy in iloami, einwöt emwij an jino mokta.

jap. 12. 18.

7 A einwöt komij ke ilo men otemjej, ilo tömak, im konono, im jela, im ilo löñlijñij otemjej, im ilo ami yokwe kim, lale bwe komin bareinwöt ke ilo men in joiy in.

1 Kor. 1. 5. & 12. 13. jap. 9. 8.

8 I jab ba kin kaññi, a kin löñlijñij an ro jet, bwe in melejoñ mol in ami yokwe.

1 Kor. 7. 6.

9 Bwe komij jela joiy an ar Iroi Jisö's Kraist, bwe meñe e kin mwele, E ar erom jeramel kin kom, bwe komin mwele kin An jeramel.

Mat. 8. 20. Luk 9. 58. Pil. 2. 6, 7.

10 Im I ar kwalok aö bebe ilo men in: bwe men in men in kaka-juror komeo, kom ar jino mokta jab in kõmön wöt, a bebe in kõmön juön yiö emetelok.

1 Kor. 7. 25. Pro. 19. 17. 1 Tim. 6. 18, 19. Hib. 13. 16. jap. 9. 2.

11 A kiö komin bareinwöt kamwijlok ami kõmöne, bwe einwöt e ar eor bebe in kõnan, ein drein bareinwöt en or kamwijlok kin ami maroñ.

12 Bwe elañe ererelok lemnok, ej kabuñburu ekar ñön men ko iben armij, jab ñön men ko ejelok iben.

Mark 12. 43, 44. Luk 21. 8.

13 Bwe I jab ba men in bwe armij ro jet ren jerammön, im kom jorran:

14 A kin jibjiböñ dron; iomin ien in, ami jerammön en kõke air jeramel, bwe air jerammön en bareinwöt kõke ami jeramel; bwe en jokwön wöt juön:

15 Einwöt emwij jeje, Eo e ar aini elöñ ejelok bween, im eo e ar aini erik ejelok an aikwij.

Eks. 16. 18.

16 A kamolol Anij, eo E ar likit ilo buruen Taitös bwe en kanuij lale kom.

17 Bwe emol e ar eoroñ am kowe e; a bwe elap an löñlijñij, kin an möke kõnan, e ar iwij ñön ibemi.

18 Im kim ar jilkinlok iben lok juön jätim, eo e buñbuñ ilo gospel iben eklisia otemjej;

jap. 12. 18.

19 Jab men in wöt, a bareinwöt eklisia ko r'ar kälet e bwe en karwön kim ilo men in joiy in, eo kim jermal kake, bwe kimin kaibujuij Iroi, im kwalok am kõnan:

1 Kor. 16. 3, 4. jap. 4. 15. & 9. 8.

20 Ke kim kejbärok men in ñe r'ab kinaklok kim ilo lokot in kimij jerbale:

21 Bwe kim lemnok kin men ko men in nebar, jab iman mejen Iroi wöt, a bareinwöt iman mejen armij.

Rom 12. 17. 1 Pit. 2. 12.

22 Im kimij jilkinlok ibeirrolok

jātim eo elōñ alen am melejoñ an lolñijñij ilo men ko relōñ, a kiō elaplok an lolñijñij, kin an lap an liki kom.

23 Elañe jabrewōt ej kajitōk kin Taitōs, e rajita im ej jibōñ iō ñōn kom; elak ro jātim, ir dri jilik an eklisia ko, aibujuij an Kraist.

Pil. 2. 25.

24 Inem komin kwalok ñōn ir ken kamol ami yokwe, im am kimjāje kin kom, iman mejen eklisia ko.

jap. 7. 14. & 9. 2.

JAPTER 9.

BWE kin jerbāl ñōn ro remōn, ejelok unin aō jejewoj ñōn kom:

jap. 8. 4. Gal. 2. 10.

2 Bwe I jela rereklok an ami lem-nok, im ij kimjāje kin kom ñōn ro dri Masedonia, bwe jen yiō ejemlok e pojōk Akela, im ami kijejeto e ar kōkātōk elōñ iair.

jap. 8. 10, 19, 24.

3 A I ar jilkinwoj ro jātim, bwe am kimjāje kin kom en jab jitokjen ilo men in; bwe, einwōt I ar ba, komin pojōk:

jap. 8. 6, 17, 18, 22.

4 Elañe jab einwōt ñe eor dri Masedonia rej iwij iba, im lo ami jab pojōk, kim naj jok (I jab ba kom) ilo liki in.

5 Inem I ar lemnok emōn bwe in akwelap ñōn ro jātim bwe ren iwij mokta ñōn kom, im kōmōnmōn mokta ami men in yokwe, eo em-wij muri kake mokta, bwe en pojōk einwōt men in yokwe, im jab men in koaroñ.

Jen. 33. 11. 1 Samuel 25. 27. 2 Kin 5. 15.

6 A ij ba men in, eo ej jeor im kelmarok e naj bareinwōt marmir im kelmarok: im eo ej jeor im dreep e naj marmir im jerammōn.

Pro. 11. 24. & 19. 17. Gal. 9. 7, 9.

7 Jabrewōt armij einwōt e ar bebe ilo buruen, ein drein en lelok; jab kin kelmarok, ak makoko: bwe

Anij ej yokwe eo e mōnōnō in lelok.

Dut. 15. 7. Eks. 25. 2. Rom 12. 8. jap. 8. 12.

8 Im Anij e maroñ in kōmōn bwe joiij otemjej en ke ñōn kom; bwe komin jerammōn ilo men ko otemjej, im ōkeke ñōn jerbāl otemjej remōn:

Pro. 28. 27. Pil. 4. 19.

9 Einwōtemwij jeje, E ar kijibliklok, e ar lelok ñōn ro rej jeramel; An wānik ej berwōt in drio.

Sam 112. 9.

10 Im Eo ej kōke ine ñōn dri jeor, im bred ñōn mōña, E naj kōke im koorlok ami ine in jeor im kalōñlok leen ami wānik:

Isa. 55. 10. Hos. 10. 12. Mat. 6. 1.

11 Ke namwelemi ilo men otemjej ñōn dreeplok otemjej, eo ej jerbale ilo kim kamolol ñōn Anij.

jap. 1. 11. & 8. 2.

12 Bwe kōmōn jibōñ in ej kōke aikwij an ro remōn, im jab men in wōt, a ej ke bareinwōt ñōn elōñ kamolol Anij;

jap. 8. 14.

13 Bwe ilo melejoñ kom kin jerbāl in, rej kaibujuij Anij kin ami kible, im kwalok gospel an Kraist, im kin ami dreeplok im lelok ñōn ir im ñōn otemjej;

Mat. 5. 16.

14 Ke ir bareinwōt rej jar kin kom, im jōñware kom kin joiij an Anij ej ilo kom.

jap. 8. 1.

15 Kamolol Anij kin An men in letok eo elap jen maroñ in ba.

Jem. 1. 17.

JAPTER 10.

KIŌ ña Paul ij akwelap ñōn kom kin inemōn im joiij an Kraist, ña eo ke ij iman mejemi I tã ibemi, a ke I joko I beran ñōn kom:

Rom 12. 1.

2 Aet, ij kajitōk ibemi bwe in jab beran ñe ij ber ibemi, im einwōt ij lemnok in beran ñōn jet, ro rej lemnok kin kim einwōt kimij etetal ekar ñōn kōniek.

1 Kor. 4. 21. jap. 13. 2, 10.

3 Bwe meñe kim etetal im ilo kōniek, kim jab tōrinae ekar ñōu kōniek,

4 (Bwe ken tōrinae ko kim tōrinae kaki re jab jen kōniek, a re kajur ilo Anij ñōn jolōllok jikin ko re kajur);

Ep. 6. 13. 1 Tes. 5. 8. 1 Tim. 1. 18. 1 Kor. 2. 5. jap. 13. 3. 4. Jer. 1. 10.

5 Ke kim jolōllok kalōmōnllokjen ko, kab jabrewōt men eo eutie, emwij koutiej e nae jela an Anij, im kajebokwe lemnok ko otemjej ñōn bokake Kraist;

6 Im kim pojōk in kwi kake kiblia otemjej, ñe ami bokake e naj jejit.

jap. 2. 9. & 13. 2. 10.

7 Komij kalimjek men ko iman mejemi. Elañe jabrewōt armij ej liki ilo e mōke bwe e dron Kraist, en bar kalōmōnllokjen men in iben, bwe einwōt e dron Kraist ein drein bareinwōt kim.

Jon 7. 24. jap. 5. 12. 1 Jon 4. 6. 1 Kor. 3. 23. & 9. 1. & 14. 37.

8 Bwe meñe ij kimjāje elap jirik kñ am maroñ (eo Iroi e ar letok ñōn kalek kom im jab kin kokkure kom), I jamin jok kake:

jap. 7. 14. & 12. 6. & 13. 10.

9 Bwe in jab kōmōn einwōt in kaleñōñ kom kin letter ko.

10 Bwe letter ko an, re ba, eor kobair im re kajur; a an enbwinin ber e mōjino, im an konono jekron.

1 Kor. 1. 17. & 2. 3. jap. 11. 6. & 12. 7. Gal. 4. 13.

11 Eo einwōt, en lemnok men in, bwe einwōt kimij ilo nan kin letter ko ke kim joko, kimij ein drein ilo kōmōn ñe kim ber ibemi.

12 Bwe kim jab beran in likit kim ibeir, ak keiri kim ñōu ro jet rej mōke nebar ir: a ir, ke rej joñe ir iben dron im keiri ir ñōn dron, re jab meletlet.

jap. 3. 1.

13 A kim jamin kimjāje elap jen am joñok, a ekar ñōn joñok in kien eo Anij e ar najoñōn ñōn kim, joñok eo lok ñōn kom.

14 Bwe kim jab kanuij kaitoklok

kim, einwōt elañe kim jab tōbar woj kom; bwe kim ar wōnmanwoj ñōn kom ilo kwalok gospel an Kraist:

1 Kor. 3. 5.

15 Im kim jab kimjāje im elap jen joñōn, kin jermal ko an ro jet; a kim kōtōmene bwe ñe ej edreklok ami tōmak, kim naj ridtolok ibemi ekar ñōn kiem ñōn orlok elaplok,

Rom 15. 20.

16 Bwe kimin kwalok gospel ñōn ijoko retolok jen kom, bwe kimin jab kimjāje kin men ko ilo kwonan bar juōn repojōk ñōn peim.

17 A eo ej kimjāje, en kimjāje ilo Iroi.

Jer. 9. 24. 1 Kor. 1. 31.

18 Bwe e jab lejokmen leo ej mōke kwalok karkarin, a leo Iroi ej kwalok karkarin.

Pro. 27. 2. Rom 2. 29.

JAPTER 11.

I KŌNAN bwe komin meanwōr ñōn iō, ilo aō bwebwe erik: aet, emol komin meanwōr ñōn iō.

jap. 5. 13.

2 Bwe ij kamo kin kom ilo ekamo ekar ñōn Anij: bwe I ar karōk kom ñōn juōn belemi, bwe in lelok kom einwōt virjin erreō ñōu Kraist.

Gal. 4. 17, 18. Kol. 1. 28.

3 A I mijōk, ñe ab kin jabrewōt, einwōt serpent eo e ar kabo Iv kin an etao, ein drein lemnok ko ami ren ettonlok jen kwojarjar im erreō eo ilo Kraist.

Jen. 3. 4. Jon 8. 44. Kol. 2. 4, 8, 18. 2 Pit. 3. 17.

4 Bwe emol elañe eo ej itok ej kwalok bar juōn Jisōs, eo kim ar jab kwalok e, ak elañe kom bōk bar juōn jitōb, eo kom ar jab bōk e, ak bar juōn gospel, eo kom ar jab eoroñ e, emōn komin meanwōr ñōn e.

Gal. 1. 7, 8.

5 Bwe ij lemnok I jab etā kin jabrewōt jen dri jilik reutiejtata.

jap. 12. 11. Gal. 2. 6.

6 A meñe I abeltok ilo konono, I jab ein drein ilo jela; aet, ilo men

otemjej kim ar kalikar e iben armij otemjej ññn kom.

1 Kor. 1. 17. Ep. 3. 4. jap. 4. 2. & 5. 11. & 10. 10. & 12. 12.

7 Ak I ar bwir ke ilo aō mōke kōtāik iō bwe komin utiej, bwe I ar kwalok gospel an Anij ññn kom im ejelok wōnan?

Jerb. 18. 3. 1 Kor. 9. 6, 12. jap. 10. 1.

8 I ar koaroñwe eklisia ko jet, im bōk wōnaō jen ir bwe in jibōñ kom;

9 Im ke I ar ber ibemi im aikwij, ejelok en e ar kōmōn kajjera; bwe men ko I ar aikwij, jimjān jimjāten r'ar itok jen Masedonia r'ar kōke; im ilo men otemjej I ar kejbārok bwe in jab kejeramel kom, im ein drein I naj kejbārok iō.

Jerb. 20. 33. 1 Tes. 2. 9. Pil. 4. 15, 16. jap. 12. 13, 14, 16.

10 Einwōt mol an Kraist ilo ña, ejelok armij e naj bōprae iō jen kimjāje in ilo ene ko Akeia.

Rom 9. 1. 1 Kor. 9. 15.

11 Bwe bōta? bwe I jab yokwe kom ke? Anij e jela.

jap. 6. 11. & 7. 3. & 12. 15.

12 A men eo ij kōmōne, I naj kōmōne bwe in bōk ken jarōk jen ro re kōnan lo arin; bwe ilo men eo rej kimjāje kake, ren walok einwōt kim.

1 Kor. 9. 12.

13 Bwe ro rej einwōt ir, dri jilik riōp, dri jermal etao, im rej mōke kōmōn ir dri jilikan Kraist.

Jerb. 15. 24. Rom 16. 18. Gal. 1. 7. & 6. 12. Pil. 1. 15. & 3. 2. 2 Pit. 2. 1. 1 Jon 4. 1.

jap. 2. 17. Tait. 1. 10, 11.

14 Im ejelok bwilōñ, bwe Setan ej mōke kōmōne enjel in maram.

Gal. 1. 8.

15 Inem e jab lap elañe ro an dri jermal rej bareinwōt mōke kōmōn ir einwōt dri jerbale wānik; jemlo-kair e naj ekar ññn jermal ko air.

jap. 3. 9. Pil. 3. 19.

16 Ij bar ba, Ejelok armij en lem-nok ña ij bwebwe, a elañe e jab ein drein komin bōk iō einwōt ñe ij bwebwe, bwe in bareinwōt kimjāje jirik.

jap. 12. 6, 11.

17 Men eo ij konono, I jab konono 240

ekar ññn Iroi, a einwōt ilo bwebwe, ilo liki in kimjāje in.

1 Kor. 7. 6, 12. jap. 9. 4.

18 Bwe elōñ rej kimjāje ekar ññn kōniek, I naj bareinwōt kimjāje.

Pil. 3. 3, 4.

19 Bwe komij mōnōnō im meanwōr ññn dri bwebwe, ke kom mōke meletlet.

1 Kor. 4. 10.

20 Bwe kom meanwōr ññn juōn armij elañe ej kamakokoik kom, elañe ej kōñta kom, elañe ej jibwe kom, elañe ej mōke koutiej e, elañe ej jekanunok kom ilo mejemi.

Gal. 2. 4. & 4. 9.

21 Ij konono nae iō einwōt elañe kim kar mōjino. A ilo jabrewōt juōn ej beran, (ij konono ilo bwebwe), ña I bareinwōt beran.

jap. 10. 10. Pil. 3. 4.

22 Ir dri Hibru ke? bareinwōt ña. Ir dri Israel ke? bareinwōt ña. Ir inen Ebream ke? bareinwōt ña.

Jerb. 22. 3. Rom 11. 1.

23 Ir dri jermal an Kraist ke? (ij konono einwōt lokjenaō) ña utiejlok; ilo jermal ko elaplok, ilo prisōn ko elōñlok alen, ilo dreñlok elā jen joñok, ilo mij ko makij.

1 Kor. 15. 10, 30. Jerb. 9. 16. & 20. 23. jap. 6. 5.

24 I ar bōk matōn juōn bwe en eñoul dribitbit lailim alen jen dri Ju ro.

Dut. 25. 3.

25 Jilu alen ar dreñlok iō kin alal, juōn ien ar kare iō, jilu alen erup wa eo I ar ber ion, juōn boñ im ran I ar ber ilo lojit;

Jerb. 14. 19. & 16. 22. & 27. 41.

26 Ilo etal ko makij, ilo uōta ko kin river ko, ilo uōta ko kin dri koaroñ, ilo uōta ko kin armij ro dri eniō, ilo uōta ko jen ro dri pegan, ilo uōta ko ilo jikin kwelok, ilo uōta ko ilo ene jemaren, ilo uōta ko ilo lojit, ilo uōta ko iben ro jimjān jimjāten riōp;

Jerb. 9. 23. & 13. 50. & 14. 5. & 17. 5. & 19. 23. & 21. 31.

27 Ilo jermal im iñtan, ilo ekil ko

makij, ilo kwuli im maro, ilo jitlok ko makij, ilo bio im kelwan.

Jerb. 20. 31. jap. 6. 5. 1 Kor. 4. 11.

28 A eor jen bar men ko jet re walok, men eo ej itok ioŕ ran otemjej, inebata kin eklisia otemjej.

Jerb. 20. 18. Rom 1. 14.

29 Wõn e mõjino, im I jab mõjino? wõn latibñil e, im e jab bwil buruŕ?

1 Kor. 9. 22.

30 Elañe emõn in kimjåje, I naj kimjåje kin men ko ilo aŕ mõjino.

jap. 12. 5, 9, 10.

31 Anij, aet Jemen IroiJ Jisõs, Eo emõnõnõ in drio, E jela bwe I jab riŕp.

Rom 9. 5. jap. 1. 23.

32 Ilo Damaskõs, iroiJ eo etå jen Aritas kiñ, e ar bar jikin kwelok an dri Damaskõs bwe en jibwe iŕ:

Jerb. 9. 24, 25.

33 Im kin kapjur, ilo kilõk ar dror iŕ lõllok ilo worwor, im I ar ko jen pein.

JAPTER 12.

EMÕN bwe in kimjåje, meñe e jab men in kakajuror, a I naj itok ñõn viŕõn ko im reveleŕõn ko an IroiJ.

2 I jela juõn armij ilo Kraist, joñoul im emen yiŕ remotelok (elañe ilo enbwiniñ, I jab jela; ak elañe elikin enbwiniñ, I jab jela; Anij e jela), ar kwotõkliñlok lein ñõn lõñ ken ka jilu.

jap. 5. 17. Jerb. 22. 17.

3 Im I jela armij in (elañe ilo enbwiniñ, ak e jibil jen enbwiniñ, I jaje; Anij e jela),

4 Ekijkan kwotõkliñlok e ñõn loan Paredais, im ej roñ nan ko je jab maroñ in konono, ko e jab melim bwe armij en ba.

Luk 23. 43.

5 Kin lein I naj kimjåje: a kin ña I jamin kimjåje, elañe e jab kin aŕ mõjino ko.

jap. 11. 30.

6 Bwe meñe I kõnan kimjåje, I jamin dri bwebwe; bwe I naj konono mol: a kiŕ emwij, bwe jabre-

wõt armij en jab lemnok kin ña I lap jen men eo ej lo iŕ, ak roñ jen iŕ.

jap. 10. 6. & 11. 16.

7 Im bwe in jab juaŕõñlõñ kin an kanuij lap reveleŕõn ñõn iŕ, ar letok ñõn iŕ juõn kãliklik ilo kõniekiŕ, juõn dri jilikan Setan bwe en ubrare iŕ, bwe in jab juaŕõñlõñ.

Ezek. 28. 24. Job 2. 7.

8 I ar akwelap ñõn IroiJ kin men in alen jilu, bwe en joko jen iŕ.

Mat. 26. 44.

9 Im emwij An ba ñõn iŕ, Aŕ joij e bwe ñõn yuk, bwe Aŕ kajur e wãppenlok ilo mõjino. Inem I naj kanuij mõnõnõ in kimjåje kin mõjino ko aŕ, bwe kajur an Anij en ber ioŕ.

jap. 11. 30.

10 Inem ebuñburuŕ ilo mõjino ko, ilo jorran ko, ilo aikwij ko, ilo matõrtõr ko, ilo iñtan ko kin Kraist: bwe ñe I mõjino, inem I kajur.

Rom 5. 3. jap. 7. 4. & 13. 4.

11 Ña ij erom dri bwebwe, kom ar kamokokoik iŕ, bwe emõn komin kar kwalok karkariŕ: bwe I jab likjõp, kin jabrewõt, jen dri jilik reutiejtata, meñe ij jekron.

jap. 11. 1, 5, 16, 17. Gal. 2. 6-8. 1 Kor. 3. 7. & 15. 8, 9.

12 Emol kakõle ko an dri jilik ar kõmõni ilo bwiljimi ilo kijenmij otemjej, kin kakõle ko im men in bwilõñ ko, im jermal ko re kajur.

Rom 15. 19. 1 Kor. 9. 2. jap. 6. 4.

13 Bwe ta eo kom ar likjõp jen eklisia ko jet kake, elañe jab bwe I ar jab men in erro ñõn kom? Komin jolok nana in aŕ.

1 Kor. 1. 7. & 9. 12. jap. 11. 7, 9.

14 Lo, alen in ken ka jilu I pojõk in iwij ñõn kom; im I jamin erro ñõn kom: bwe I jab bukot mweiem, a kom: bwe e jab kwonan ajiri ojõk jemeir im jineir, a kwonan jemeir im jineir ojõk ro nejir.

jap. 13. 1. Jerb. 20. 33. 1 Kor. 4. 14, 15. & 10. 33.

15 Im I naj mõnõnõ in dreeplok im niknik kake kin ami. Elañe elaplok aŕ yokwe kom, eriklok ami yokwe iŕ ke?

1 Tes. 2. 8. Jon 10. 11. jap. 1. 6. Kol. 1. 24. 2 Tim. 2. 10.

16 A en ein drein, Ña I ar jab kejeramel kom; ijoke, ke I bājik, I ar jibwe kom kin meletlet.

jap. 11. 9.

17 I ar mōke kejerammōn iō ibemi ke kin jabrewōt ian ro I ar jilkin-woj ñōn ibemi?

jap. 7. 2.

18 I ar kowe Taitōs im I ar jilkin-woj iben woj jātim eo. Taitōs e ar mōke kejerammōn e ibemi ke? kimro ar jab etetal ilo juōn wōt Jitōb ke? e jab juōn wōt jenkwōn neem ke?

jap. 8. 6, 16, 18.

19 Eto komij lemnok bwe e ñōn kom kimij uak kin kim mōke. Kim konono iman mejen Anij ilo Kraist. A men otemjej, kom jitenburu, kin kalek kom.

jap. 5. 12. Rom 9. 1.

20 Bwe I mijōk, elañe, ñe ij iwij, I ab lo kom jab einwōt I kōnan ilo jabrewōt, im I ab walok ñōn kom einwōt kom jab kōnan: ñe ab jet burojibil, junmare, illu ko, akwall ko, rurue ko, unojrikrik ko, airwaro ko;

1 Kor. 4. 21.

21 Im ñe aō Anij e ab kōtāik iō iman mejemi ñe ij bar iwij, im I ab joñōt elōñ ro r'ar jerawiwi mokta, im re jañin ukwelok ibeir kin etton im lūñ im nana ko r'ar kōmōnmōni.

jap. 2. 1, 4. & 13. 2. 1 Kor. 5. 1.

JAPTER 13.

ALEN in ken ka jilu ij iwij ñōn kom. Kin loñin ruo ak jilu dri kennan naj kabin nan otemjej.

jap. 12. 14. Bwin. 25. 30. Dut. 19. 15. Mat. 18. 16. Jon 8. 17.

2 I ar ba mokta, im ij ba kiō, einwōt ke I ar ber ibemi alen ken ka ruo, bar einwōt kiō ke I joko, ñōn ro r'ar jerawiwi mokta, im ñōn ro otemjej jet, bwe, elañe ij bar iwij, I jamin tiriamo kake;

jap. 1. 23. & 10. 2. & 12. 21.

242

3 Bwe komij bukot kamol kin an Kraist konono ilo ña, Eo e jab mōjino ñōn kom, a E kajur ilo kom.

Mat. 10. 20. 1 Kor. 5. 4. 1 Kor. 9. 2.

4 Bwe ar drebail E ilo mōjino, a Ej mour kin kajur an Anij. Bwe kim bareinwōt mōjino ilo E, a kim naj mour iben kin kajur an Anij im ñōn kom.

Pil. 2. 7, 8. 1 Pit. 3. 18. Rom 6. 4.

5 Komin mōke melejoñ kom elañe kom ber ilo tōmak eo; komin mōke kamol kom. Ak kom jab mōke jela ke, bwe Jisōs Kraist ej ber ilo kom? elañe kom jab drien joko.

Rom 8. 10. Gal. 4. 19. 1 Kor. 9. 27. & 11. 28.

6 A ij kōtōmene bwe kom naj jela bwe kim jab drien joko.

7 A kim jar ñōn Anij bwe komin jab kōmōnmōn nana; jab bwe en walok am mol, a bwe komin kōmōn emōn, meñe kim einwōt drien joko.

8 Bwe ejelok am maroñ in jumae mol, a kin mol wōt.

9 Bwe kim lōñliñ ñe kim mōjino im kom kajur: im kim naj jar kin men in, bwe komin wāppenlok.

1 Kor. 4. 10. jap. 11. 30. 1 Tes. 3. 10.

10 Inem ij jeje men kein ke I joko, bwe, ñe ij ber ibemi, en jab bin aō in nan, ekar ñōn kajur eo Iroijs e ar letok ñōn iō kin kalek, im jab kin jolōllok.

1 Kor. 4. 21. Tait. 1. 13. jap. 10. 8.

11 Elikтата, ro jātiō, komin lōñliñ, komin ainemōn, komin wāppen, en buruemi wōt juōn, komin mour ilo ainemōn: im Anij in yokwe im ainemōn E naj ber ibemi.

Rom 12. 16, 18. & 15. 33.

12 Komin yokyokwe dron kin mejenma ekwojarjar.

Rom 16. 16.

13 Ro remōn otemjej rej yokyo-kwe kom.

14 Joijs an ar Iroijs Jisōs Kraist, im yokwe an Anij, im kōmao an Jitōb Kwojarjar, en ber ibemi otemjej.

Rom 16. 24. Pil. 2. 1.